

braćom bili u službi kod vojvode Radoslava Pavlovića. Kako bi se svjedočenje osnažilo u ovom nedatiranom dokumentu prikazan je i rodoslov porodice Tezalović. Autor, ispravljajući prethodne pogrešne datacije, smatra da nastanak ovog dokumenta treba tražiti između 5. februara 1468. i 14. januara 1469. godine.

Širina ponuđenog raznovrsnog izvornog materijala ne bi bila u dovoljnoj mjeri pregledna da nije izrađen precizni *Registar* (161-169), koji je sačinio Dejan Ječmenica, a istraživačima srednjovjekovne bosanske prošlosti omogućit će lakši i brži uvid u prezentirane radove.

Ovim brojem kolektiv okupljen oko časopisa *Građa o prošlosti Bosne* uspješno nastavlja svoj angažman na objavljivanju i analizi dokumenata koji se odnose na srednjovjekovnu prošlost Bosne. Različiti

segmenti bosanske historije, među kojima se u ovom broju ističu ekonomski, pravni, genealoški aspekti, omogućuju istraživačima da uz kvalitetne slikovne priloge detaljnije proniknu u bit dokumenta. Kao nedostatak možemo navesti nepostojanje geografskih karata koje bi topografske podatke, kojih u pojedinim ispravama ima više od deset, učinile preglednijima.

Na kraju napominjemo da je ovim izdanjem, kao i prethodnima iz ove serije, izdavačka djelatnost u Bosni i Hercegovini obogaćena novijim pristupom koji se odavno nametao kao nužan s obzirom da su mnogi dokumenti važni za historiju ove zemlje zadnji put kritički obrađeni prije više desetljeća ■

Nedim Rabić

Споменица академика Симе Ђирковића, Историјски институт, Зборник радова, Књ. 25, Београд, 2011, 463 str. + Библиографија академика Симе Ђирковића, Историјски институт, Посебна издања, Књ. 61, Београд, 2011, 157 str.

Povodom smrti akademika Sime Ćirkovića Istoriski institut iz Beograda je u toku 2011. godine objavio dvije prigodne publikacije kojima je odana počast ovom velikanu srpske, balkanske i evropske historiografije. Značaj ovog historičara u razvoju historijske nauke, pogotovo medievalističke, gotovo je nemjerljiv. Širina proučavanih tema, velika erudicija, do savršenstva doveden historičarev zanat te pravilan osjećaj i odnos prema izvorima, doprinijeli su tome da je vrlo teško naći granu histo-

rijske nauke o srednjem vijeku na našim područjima a da je Ćirković nije obradio. Učešće u publikovanju Spomenice dalo je trideset istaknutih historičara s područja jugoistočne Evrope, ali i šire, koji su se svojim radovima, na jedan ili drugi način, dotakli tema koje je nekada u toku svoje velike karijere proučavao Ćirković.

Spomenicu otvara nekrologij *Сима М. Ђирковић (29. јануар 1929, Осијек – 14. новембар 2009, Београд)* (9-13), koji je napisao Ljubomir Maksimović, još jedan

predstavnik starije historiografske škole. Kako je poznati bizantolog istakao, Ćirković jeste doživio ono što malo koji naučnik uspije – da ga se smatra simbolom čitave jedne naučne oblasti, no istovremeno, Ćirković je i najreprezentativniji predstavnik čitave jedne škole – srpske kritičke historiografije, koju su utemeljili njegovi znameniti učitelji Dinić, Radojičić, Ostrogorski, Tadić i drugi. Analizirajući raspon Ćirkovićeve stvaralaštva, koji se kretao od manjih studija do obimnih sinteza, Maksimović ističe da prava analiza Ćirkovićeve ostavštine tek treba uslijediti. Nakon osvrta na profesionalni život, autor se podsjetio i ljudskih kvaliteta pokojnog akademika Ćirkovića, među kojima su dominirale odmjerenost, spremnost na pomoć mlađim kolegama, ali i konstantna odlučnost u čuvanju naučnih i akademskih vrijednosti. Opus radova Sime Ćirkovića na polju izučavanja problematike urbanih naselja centralnog Balkana predstavila je Jelena Mrgić u radu *Cives et Civitates – Urban Studies in Recent Serbian Historiography* (245-259).

Prvi od stručnih radova Spomenice predočila je Desanka Kovačević-Kojić – *Србија у економији Венеције (XV вијек)* (15-27). Na osnovu podataka iz trgovackih knjiga braće Kabužić, autorica proučava nivo razvijenosti privrednih veza srpskih rudnika sa „Gospodaricom mora“. Za ovu temu naročito je interesantan račun venecijanskog trgovca Hristofora Alberta, koji predstavlja pravi prozor u dinamični svijet srednjovjekovne trgovine. Niz članaka sa tematikom proučavanja raznih aspekata života u srednjovjekovnim manastirima nastavila je Mirjana Živojinović radom *Roga i друга новчана давања промата атонским манастирима* (29-38). Iz rada saznajemo da je termin *roga* u početku označavao nagradu za učinjenu službu, da

bi se kasnije u praksi približio terminu *solemnōn*, tj. svečano darivanje godišnje rente od strane cara nekoj crkvenoj ustanovi. Bariša Krekić, danas profesor emeritus na uglednom UCLA u Sjedinjenim Američkim Državama, svojim pristupom *Images of women's life in Dubrovnik in the Fifteenth and Sixteenth Centuries* (39-54) doprinio je proučavanju statusa žena u srednjovjekovnom Dubrovniku. Ova tema je i ranije zaukljala pažnju historičara, od kojih treba istaći Dušanku Dinić-Knežević, Zdenku Janečković-Römer i druge, a doprinos Krekića u ovom radu je što je rasvijetlio da je i slanje djevojaka u manastire ipak nosilo sa sobom osjetno finansijsko opterećenje, te što je učvrstio stav moderne historiografije da položaj žena u gradskim sredinama tokom srednjeg vijeka i nije uvijek bio tako loš kako se ranije smatralo.

Jedan od korifeja balkanske medievalistike, Ignacij Voje također nije mogao izostati u odavanju počasti tri godine mlađem kolegi Ćirkoviću. Dopunjajući svoj čuveni rad *Kreditna trgovina u srednjovjekovnom Dubrovniku* (Sarajevo, 1976), ovaj put se osvrnuo na značaj mjenice u kompletном procesu kreditnog poslovanja: *Mjenice (littera cambii) u kreditnim poslovima srednjovjekovnog Dubrovnika* (55-62). Rad je napisan većinom na osnovu podataka iz arhivske serije *Debita notariae*. Autor ističe da se mjenice u poslovanju Dubrovačana javljaju tek u dvadesetim godinama 14. stoljeća, te da su bile ograničene samo na trgovinu sa stranim zemljama, dok se u domaćem prometu nisu upotrebljavale. Iz Slovenije je pristigao i rad Darje Mihelić sa Zgodovinskog inštituta „Milka Kosa“ *Don Mauro Orbini in njegovi vzorniki o zgodnjem srednjem veku v vzhodnih Alpah* (93-117). Autoricu je analizirala jednu, pokojnom Ćirkoviću vrlo dragu temu, izvora Mavra Or-

binija, ovaj put samo za područje istočnih Alpa. Rade Mihaljić u radu *Замена поседа у средњовековној Србији* (63-73) pozabavio se praksom i pravnim normama ovog specifičnog srednjovjekovnog običaja, dok je Bogumil Hrabak jednim od svojih posljednjih radova *Фирентинска породица из Фераре Минијату на дубровачком пословном подручју (XVI век)* (75-91) dao poseban ton ovom izdanju.

Nenad Fejić je tokom cijele svoje karijere približavao srednjovjekovnu historiju jugoistočne Evrope frankofonskom dijelu naučne zajednice. Danas je profesor na Univesite des Antilles et de la Guayane, a ovoj Spomenici je doprinio radom *L'ordre regne a Dubrovnik: Une commune medievale face à la menace étrangère et aux problèmes de la paix civile* (119-136). U radu se raspravlja o politici dubrovačkog patricijata u toku vanrednih stanja. Osnovni zadatak koji su težili da obave, tokom svakog od ukupno četrnaest ratova koje je Dubrovnik vodio za vrijeme svoje nezavisnosti, jeste očuvanje ustaljenog društvenog poretku i mira. Ti zadaci su se obavljali naizgled kontradiktornim metodama, koje su zapravo bile vrlo dobro osmišljene. To se najbolje vidi u odnosu prema vanpatricijskom dijelu društva: građanima ili strancima prema kojima su istovremeno primjenjivane i metode pojачanog isključenja (jake sankcije i ograničenja) i metode pojачane integracije (ohrabrivanje da uzmu učešća u odbrani grada, mjere zaštite i sl.). Počast Ćirkoviću odali su i dvoje inostranih istraživača kojima je pokojni profesor mnogo pomogao u obradi izabranih tema. Austrijski historičar Oliver Jens Schmitt predstavio se radom *Micro-history and Lebenswelten as approaches to Late Medieval Dalmatian History. A case study of Korčula* (137-158), dok je Paola Pinelli sa Ekonomskog fakul-

teta Univerziteta u Firenci prezentirala svoj članak *The Florentine company of Francesco Neroni and trade with Dubrovnik (Ragusa) in the first half of the 15<sup>th</sup> century* (159-175). Niz radova o iseljavanjima stanovništva sa svih dijelova Balkana u Mletke Lovorka Čoralić je dopunila pristupom *Prisutnost i djelovanje iseljenika iz Srbije u Veneciji u XV. i XVI. stoljeću* (177-194). Autorica je istakla da su najveći valovi iseljavanja povezani sa sve oštrijim upadima osmanske vojske, zatim da su u izvorima uglavnom označavani kao *de Servia*, te da su se većinom bavili pomorskim poslovima. Obrađeni su svi aspekti svakodnevnog života iseljenika, njihova mesta stanovanja, poslovno i religiozno organiziranje.

Za srednjovjekovnu Bosnu tri su rada od posebnog značaja. Esad Kurtović sa Univerziteta u Sarajevu radom *Monte Lapidoso – Kameno brdo* (195-209) analizira podatke iz dubrovačkih izvora o ovom ozloglašenom lokalitetu poznatom kao izuzetno pogodno za drumsко razbojništvo. U kompletном spektru svakodnevnih odnosa Dubrovnika sa zaleđem, razbojništva su bila jedan od prisutnih segmenata koji ne treba ni pretjerano naglašavati, ali ni zanemarivati, a u dinamičnom svijetu kretanja robe i trgovaca između Bosne i Dubrovnika neizbjježno je moralo doći i do pljački i prepada. Jedno izuzetno pogodno mjesto za razvijanje takve aktivnosti bilo je i Kameno brdo, koje autor na osnovu informacija većinom iz serije *Lamenta de foris locira uz frekventan put pored Ključa, niz pravac Cernica – Bileća. Kurtović ispravlja i stavove ranije historiografije da se radi o naselju ili trgu i zaključuje da je to tek geografski pojam koji ne treba miješati sa lokalitetom sličnog imena – Brdo u blizini Trebinja. Poznati profesor Novosadskog univerziteta Petar Rokai autor je rada *Tpu**

прилога историји Босне у средњем веку (211-217), у којем анализира три појма везана за босанско средњовјековље и предлаže њихово ново чitanje, чime се отварају простори за нове interpretације njihovog konteksta. Prvi termin je *ubanus*, koji se javlja u povelji пape Grgura IX iz 1233. godine vezano за vijest bana Ninoslava о prelasku njegovog rođaka Prijezde *ubanus* (albanusa) na katoličku vjeru. Za razliku od starijih tumačenja, Rokai smatra da je riječica „al“ preuzeta из mađarskog jezika i da ona označava termin podban. Slijedeći termin koji autor analizira ustvari je lično име – *Ponsa*, име босанског бискupa из 14. stoljeća. Smatrajući da су svi kasniji istraživači nekritički preuzeli чitanje ovog imena од Klaića, Rokai je uvjeren da je ispravno чitanje Poša. Još jedno име je zainteresovalo Rokaia i ponovo je vezano за tumačenja Vjekoslava Klaića. Radi se о navodnom kralju Bosne Janošu Marotiju, koji se spominje među učesnicima kongresa владара из 1412. godine kao *Marolt konig zu Bossen*. Autor naglašava da se radi о nesporazumu u spisku i da je dotični Maroti само naveden ispred bezimenog босанског краља, bez znaka interpunkcije među njima. Treći rad proizišao je iz suradnje Nevena Isailovića и Aleksandra Jakovljevića: *Шах Мелек* (Прилог историји турских упада у Босну 1414. и 1415. године) (441-463). U radu se raspravlja о vođi osmanskih odreda koji su upadali на teritorij Bosanskog kraljevstva u navedenim godinama. Autori su naglasili da je većina istraživača pogrešno чitala име ове ličnosti i samim time nisu mogli да ga pravilno identificiraju. Jedina iznimka bio je čuveni Nedim Filipović, koji je u svom kapitalnom djelu *Princ Musa i Šejh Bedredin* ispravno tumačio da se radi о Šahu Meleku, istaknutoj ličnosti 14. stoljeća, ali su naglasili и da je taj nalaz ostao

neprimjećen zbog nedostatka imenskog registra u spomenutoj knjizi.

Ovako veliki broj прилога nije mogao dobiti jednak tretman u ovom prostorno ograničenom prikazu. Spomenut ćemo još dva interesantna rada, dok istovremeno i sve ostale svakako preporučujemo za чitanje. Radivoj Radić i Dušan Korać, analizirajući kasnobizantijsko djelo *Lulolog* (knjiga o pticama), naišli su на *Један необичан спомен Дубровника из XI века* (219-224). Bizantinci su imali jedan, по svoje nestomišljenike vrlo nezgodan običaj da ih izvrću ruglu i podsmijehu, а korištenje životinjskog epa u kojem su životinjama даване ljudske osobine bilo je jako rašireno. Knjiga *Pulolog* je satirično djelo proizišlo из naroda и највиše namijenjeno ismijavanju poroka vladajuće klase u Bizantiji. No, u jednom trenutku su i Dubrovčani дошли na udar. Naime, u prepirci čaplje i ždrala potonji grdi čaplju da nalikuje на Ragužanina из Raguze koji nosi bisage и u njih ubacuje sve što nađe. Jako interesantan članak temeljen на još zanimljivijem književnom izvoru. Marko Šuica sa Odeljenja за историју Beogradskog univerziteta zadnjih se godina intenzivno bavi srednjovjekovnom ratnom takтиком на području jugoistočne Evrope. Ovaj put je analizirao najčuveniju bitku na Balkanu, koja je svojevremeno bila под naučном lupom и samog Ćirkovićа: *О могућој улози Вука Бранковића у Косовској бици – прилог разматрању средњовековне ратне тактике* (225-244). Šuica naglašava da je tadašnji običaj, mogao bi se nazvati i strategijom, bio da je u slučaju zarobljavanja ili smrti jednog od članova vladajuće porodice preostali član porodice trebao napustiti bojno polje и повući se у земљу, kako bi učvrstio vlast i organizovao državu.

Radovi на које се нисмо осврнули у

ovom prikazu također su na neki način povezani sa naučnim radom pokojnog Ćirkovića. Tako se analizom izvora bave članci Nebojše Porčića (*Дипломатички обрасци српских средњовековних разрешних докумената*), Srđana Piravatrica (*Податак Нићифора Григоре о хронологији брака Стефана Дечанског и Марије Палеолог*) i Tibora Živkovića (*The Origin of the Royal Frankish Annalist's Informations About the Serbs in Dalmatia*). Legislativne aktivnosti cara Dušana proučavaju Đorđe Bubalo (*Судбина и Опаданије – прилог тумачењу члана 84 Душановог законника*) i Biljana Marković (*Сведочење у судском доказном поступку према старијим рукописима законодавства цара Стефана Душана*). Problematiku proučavanja srednjovjekovnih porodica obrađuju četiri rada: Gordana Tomović (*Војиновићи*), Đuro Tošić (*Славонска грана породице Милорадовић*), Marica Malović-Đukić (*Породица Кимо – Климо из Улциња у средњем веку (14-15. век)*) i Srđan Rudić (*Прилог познавању неких исламизованих босанских породица*). Crkvenom historijom bavi se Katarina Mitrović (*Сукоб барског архиепископа и которског епископа око јурисдикције над католичким парохијама у средњовековној Србији*), dok Stanoje Bojanin istražuje jedan interesantan segment svakodnevnog života (*Недеља као нерадни дан у средњовековној Србији*).

Nizom kvalitetnih i zanimljivih radova koji su objavljeni u ovoj *Spomenici* kolege, suradnici i nekadašnji učenici pokojnog akademika Sime Ćirkovića na dostojašten način oprostili su se od velikog naučnika i zahvalili mu se na pomoći i uvođenju u tajne nauke. Nema sumnje da će odlaskom Ćirkovića ostati ogromna rupa u historijskoj nauci kompletne jugoistoč-

ne Evrope, a naročito u medievalistici. Nestanak vrhovnog autoriteta neizbjegno sa sobom povlači tektonske poremećaje i na njegovim nasljednicima je da ne dozvole da se Ćirkovićeva ostavština izokrene.

Uporedo sa *Споменицом академика Симе Ђирковића* objavljena je i *Библиографија академика Симе Ђирковића*, коју su priredili Slavica Merenik, Neven Isailović i Vlastimir Đokić. Sam broj stranica potreban za objavljivanje bibliografije govori o veličini karijere pokojnog Ćirkovića. Tehnički, *Bibliografija* je urađena veoma kvalitetno. Najprije je predložen spisak svih objavljenih Ćirkovićevih radova (17-101) koji su prezentirani hronološki, od prvih početaka naučnog djelovanja 1953, do onih objavljenih posthumno 2011. godine. Radi se o ukupno 663 bibliografske jedinice, što je, znajući njihovu kvalitetu, impozantno. Zatim slijedi *Predmetni registar radova akademika Sime Ćirkovića* (103-122). Ovaj dio je koristan iz više razloga. Iz njega se vidi sva širina Ćirkovićeva djelovanja, a istovremeno je budućim istraživačima olakšano snalaženje u moru pojmoveva, imena i mesta koje je obrađivao u svom radu. Iz istih razloga je napravljen i *Registar naslova radova akademika Sime Ćirkovića* (123-156), u kojem su abecednim redom navedeni svi naslovi, kako bi se olakšala orientacija unutar *Bibliografije*.

Od samih početaka Ćirkovićeve plovide naučnim vodama srednjovjekovna Bosna je postala jedna od stalnih luka u koje je navraćao. Naime, prvi objavljeni naučni radovi su vezani upravo za srednjovjekovno Bosansko kraljevstvo: *Две године босанске историје (1414 и 1415)* // ИГ 3-4 (1953) i *Властела и краљеви у Босни после 1463. године* // ИГ 3 (1954). Jedna od ključnih godina Ćirkovićeve biografije jeste 1964, kada je objavio *Историју средњовековне*

bosanske države (СКЗ; Beograd, 415 str.). Ta je knjiga i do danas najkompletnija sinteza bosanskog srednjovjekovlja. Zatim je objavio i svoju disertaciju *Херцег Стефан Вукчић Косача и његово доба* (САНУ, Beograd, 309 str), koja je izuzetno dobro ocijenjena i predstavlja uzor kako treba pisati biografije historijskih ličnosti. Značaj Ćirkovića za bosanskohercegovačku historiografiju srednjeg vijeka može se vidjeti i iz slijedećih naslova: *Један прилог о бану Кулину* (ИЧ 9-10, 1959), *Сугуби венац* (ЗФФБ, 1964), *Zdravstvene prilike u srednjovjekovnoj bosanskoj državi* (sa Dešankom Kovačević-Kojić, *Acta historica medicinae, pharmaciae et veterinae*, 10-

2, 1970), *Русашка госпођа* (ИЧ 21, 1974), *Mere u srednjovekovnom rudarstvu Srbije i Bosne* (Zbornik JAZU 8, 1977), *Bosanska crkva u bosanskoj državi* (Prilozi za istoriju BiH I, 1987), *Босна и Византија* (800 godina povelje bosanskog bana Kulina, 1989), *Dvor i kultura u srednjovekovnoj bosanskoj državi* (Međunarodni simpozijum „Bosna i Hercegovina u tokovima istorijskih i kulturnih kretanja u jugoistočnoj Evropi“, 1989), *Prenošenje kraljevstva u Bosnu* (Odjek XLIV, 1991) i brojni drugi.

*Dignum laude virum Musa vetat mori!■*

Dženan Dautović

---

Niko Kapetanić, *Konavle u XV. stoljeću*. Gruda: Matica hrvatska Konavle, 2011, 274 str.

Niko Kapetanić je biotehnolog po te-melnom studiju, tajnik Društva prijatelja dubrovačke starine, djelatnik Matrice hrvatske Konavli i vanjski saradnik Zavoda za povijesne znanosti Hrvatske akademije znanosti i umjetnosti u Dubrovniku. Pripada istaknutijim predstavnicima u modernom proučavanju dubrovačke, posebno konavoske prošlosti, što potvrđuje i ova njegova nova knjiga. Sastavljena je od deset po sadržaju raznovrsnih i po obimu raznolikih cjelina, čiji sadržaj još jednom značajno skreće pažnju stručne javnosti na ovo najjužnije područje današnje hrvatske države.

Uvodni dio knjige predstavlja kratki presjek historije Konavala kojom se de-

finira mjesto i uloga područja kroz prošlost. Prvi pisani podaci o Konavlima sežu u doba prije nove ere, a sjedište se nalazilo u Epidauru (Cavtat), gdje se razvila rimska kolonija. Trasa rimskog vodovoda (*canali*) koja je presijecala ovaj prostor dala je području svoje ime. Šire područje proživljava se obu Germana, a početkom VII stoljeća naseljeno je Slavenima. Kao organizirana državna zajednica i upravna administrativna cjelina, Konavli egzistiraju uz susjedne Travuniju, Duklju i Rašku. Godine 1371. pod vlašću su oblasnog gospodara župana Nikole Altomanovića, a vlast u njima imaju i zetski Balšići od 1373. godine. Bosanska vlast u Konavlima prati se od 1377, kada ih zajedno s Travunijom osvaja Tvrtko I Ko-